



ADDENDA DE MODIFICACIÓN DO CONVENIO DE COLABORACIÓN ENTRE A AXENCIA GALEGA DE INNOVACIÓN E A A ASOCIACIÓN BIOGA- CLÚSTER TECNOLÓXICO EMPRESARIAL DAS CIENCIAS DA VIDA PARA A IMPLEMENTACIÓN DUN PLAN DE ACTIVIDADES PARA IMPULSAR A COMPETITIVIDADE, A INNOVACIÓN E A TRANSFERENCIA NO TECIDO EMPRESARIAL GALEGO DO SECTOR BIOTECNOLÓXICO NO PERÍODO 2024-2025

MEMORIA XUSTIFICATIVA

O director da Área de Servizos da Axencia Galega de Innovación da Consellería de Educación, Ciencia, Universidades e Formación Profesional **DECLARA:**

Que a Axencia Galega de Innovación ten previsto formalizar coa Asociación BIOGA – ClústerTecnolóxico Empresarial das Ciencias da Vida unha adenda ao convenio asinado o 16 de febreiro de 2024 para a realización e execución de actuacións que impulsen o papel do sector biotecnolóxico empresarial galego, así como da súa cadea de valor (universidades, centros, empresas, startups...). Deste xeito, búscase seguir potenciando o desenvolvemento da biotecnoloxía, como Tecnoloxía Facilitadora Esencial (TFE), e o apoio aos diversos sectores produtivos de Galicia.

Que a addenda ten por **obxecto:**

A realización e execución de modificacións solicitadas en canto ás actuacións para desenvolver ao amparo do convenio que están destinadas a:



Actuación 1. Custos relativos a servizos externos para o asesoramento e apoio en materia de innovación.

Actuación 2. Custos relativos ao funcionamento da agrupación industrial. Detalladas no Anexo I do mesmo.

As **actividades obxecto** da addenda son:

Na Acción 1.2: Apoio para a xeración de proxectos europeos

Debido á necesidade de dar mais apoio á atracción de novos mecanismos de financiamento das actividades da agrupación industrial, amplíase esta acción nos seguintes apartados:

Inclúese a implementación no clúster dunha plataforma de scouting internacional que proporciona análise de datos sobre empresas emerxentes, financiamento e tendencias de mercado e o dossier de execución da plataforma de scouting internacional, coa análise de datos sobre a identificación de oportunidades de financiamento para as pemes participantes nas actividades de dinamización.

Na Acción 1.3: Apoio na transferencia para o fomento do Bioemprendemento

A tarefa inicialmente prevista estaba centrada no deseño dunha metodoloxía de acompañamento á transferencia e creación dunha comunidade experta. Aínda que resultaba estratéxica, presentaba dificultades para a súa execución nun prazo e cuns recursos axustados, dado o seu carácter estruturante e a dependencia de múltiples axentes externos (centros de I+D, investigadores, oficinas de transferencia...). En lugar desta aproximación máis metodolóxica e a medio prazo, propóñense unha nova tarefa de maior impacto inmediato e máis aliñada coas necesidades actuais do ecosistema galego de bioemprendemento.





A nova tarefa sería a execución das primeiras etapas da iniciativa "Galicia, Polo de atracción de talento, spin offs, startups, empresas, grandes corporacións e investigadores biotech a nivel nacional e internacional":

1. Análise de situación e ecosistema: Definición do perfil do talento e capacidades a atraer ou fomentar e definición dos criterios de selección.
2. Plan de Captación: Definición da proposta de valor e plan de comunicación e accións para a captación.

Con isto intensificaríanse os mecanismos de bioemprendemento para a creación de startups e empresas biotecnolóxicas. Quedará todo reflectido no dossier de implementación da iniciativa "Galicia: polo de atracción de talento, spin offs, startups, empresas, grandes corporacións e investigadores biotech a nivel nacional e internacional"

Na Acción 2.5: Accións para a participación e representación en feiras e eventos de interese do sector biotech no ámbito nacional e internacional

Debido ás modificacións das accións anteriores, fanse necesarias as modificacións das actividades desta acción para dar maior visibilidade ao sector. Inclúense a organización dun encontro entre axentes da biorrexión galega e outras biorrexión "Galicia Bioevent".

Accións de conexión co ecosistema de innovación: Participación en foros sectoriais e eventos de matchmaking para conectar talento, empresas, centros de investigación e investidores coa iniciativa "Galicia: polo de atracción de talento, spin offs, startups e investigadores biotech internacionais".



Para 2025 expónse a participación e visibilidade nun encontro entre o sector Biotech e a XVII reunión da Rede Española de Descubrimiento de Fármacos (SDDN) e BioNorth, o congreso de referencia que agrupa biotecnólogos e perfís afíns á Biotecnoloxía no Norte de España.

Nesta acción modifícase o orzamento, sen modificar o importe total, quedando da seguinte forma:

- Servizos externos: 24.000€

- Persoal: 24.000€

Que existe converxencia de intereses entre as entidades asinantes en orde á consecución do obxecto referido.

Que a addenda que se pretende asinar **fundaméntase** no seguinte:

1. Que tendo en conta as características de BIOGA, na súa condición de entidade integradora dos intereses do sector biotecnolóxico de Galicia, a subscripción da presente addenda faise necesaria para executar adecuadamente a totalidade do convenio, garantindo ademais a eficiencia na asignación dos recursos. Dita modificación non afecta ao orzamento total do convenio.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura da addenda que se pretende, con exclusión doutras figuras.

E para que conste, asínase esta memoria,





O director da Área de Servizos,
Carlos Sánchez Vecino

(Documento datado e asinado dixitalmente na marxe)

